



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1551. usque ad annum 1553

Fleury, Claude

August. Vind. [u.a.], 1771

VD18 90118561

§. 30. Augustus Mauricii Frater illius Successor.

[urn:nbn:de:hbz:466:1-66577](https://nbn-resolving.org/urn:nbn:de:hbz:466:1-66577)

dem habuit, postea autem Mauritii Cor-
pus Friburgum translatum est, obviam
prodeunte toto urbis Senatu, & Agnete
ejus Coniuge unacum pluribus Nobili-
bus Matronis: denique die vigesima ter-
tia Augusti in Beatæ Mariæ Virginis
ædibus juxta Henrici Patris sui, necnon
Alberti filii sui tumulum Cadaver ejus
terræ mandatum fuit, condito insigni
prorsus monumento: prius tamen Da-
niel Dresserus Dresdensis Ecclesiæ Pa-
stor defuncto oratione funebri paren-
tavit.

§. XXX.

*Augustus Mauritii Frater illius
Successor.*

Eodem tempore Augustus Mauritii Fra-
ter unacum Coniuge sua apud Da-
niæ Regem Socerum suum diversaba-
tur: cum autem ineunte Mense Augusto
in Saxoniam rediret, mox omnem po-
pulum præstita juramenti Religione in
fidem suam accepit, præcipue vero ad
id adegit Wirtembergenses, quibus in-
junxit, ut sibi, suisque liberis mascu-
lis imposterum obsequium præstarent,
si vero nulla proles superesset, tunc ad
Joannem Fridericum, ejusque liberos
successionis jus devolveretur, ea tamen
lege, ut tam ipse, quam ejus posterum
obedirent, si tamen id ab illis haud fie-
ret,

Sæcul. XVI.
A.C. 1553.

Belcar. l. 26.
n. 29.
Thu. l. 12.
Sleid. l. 25.
p. 924.

Sæcul. XVI.
A.C. 1553.

fieret, tunc præcepit, ut ad Hassiæ Landgravium juxta foederis pacta successio jure hæreditario transfret. Hoc stabilito Augustus tanquam Elector a suis salutatus die vigesima Augusti Ordinum suorum comitia indixit, ubi in deliberationem venerat, qua ratione cum Joanne Friderico transigeretur; hic enim ante Mauritiï obitum Saxonici Electoris insignia sibi arrogabat, atque ejusdem morte vix comperta quantocius in Belgium ad Cæsarem, nec non ad omnes Optimates missis Legatis sua sibi bona restitui postulabat: quinimo Lipsiam quoque, ubi tum comitia agebantur, Legationem decernebat. Ast Augustus pacta cum Carolo V. inita, quibus Joannes Fridericus stare teneretur, opposuit: nec tamen propterea hic a suo postulato destitit; unde post maturam rei discussionem a congregatis Ordinibus ad Augusti petita fuit responsum, e re videri, ut cum utroque pacem coleret, atque ad componendum hoc diffidium Brandenburgico Electori totum negotium committeret: Porro id ipsum effectui datum, hacque ratione Augustus non modo a negotio difficili juxta, ac periculis pleno sese expediebat, sed insuper legitimam nanciscebatur prætextum, quo sese apud Ferdinandum Regem, qui ipsum ad innovandum foedus sollicitabat, excu-

excusaret. Tandem Augustus Alberto Sæcul. XVI.
A.C. 1553.
conciliabatur, operam suam impenden-
tibus Daniæ Regis, qui ejusmodi pa-
cem Generi sui rebus proficuum fore
censebat, necnon Brandenburgici Electro-
ris Oratoribus. Hæc gesta fuere die un-
decima Septembris.

§. XXXI.

*Albertus Spiraë per Cameram Impe-
rialem proscriptus.*

Nec tamen propterea Albertus conci- Sleidan.
l. 25.
Thu. l. 12.
§ 13.
tandis tumultibus finem imponebat;
bellum enim contra Henricum Brun-
vicensem movens ab eo profligatus est,
atque accepta clade ad Brunsvicensem
urbem revertebatur; cum autem per
nuntium accepisset, quod Henricus aut
illum aggredi, aut urbem cingere pa-
raret, inde discessit, collectisque, quot
quot potuit, Equitibus, ut suum ipsius
adventum in Thuringia expectarent, præ-
cepit, quinimo mox ipse eo pervenit,
indeque Franconiam petens, Hoffium
oppidum, ex quo antea ejectus fuerat,
ingressus est. Sub idem tempus Brun-
vicensis pacem cum Friderico Saxonie
Duce inibat, ac militum suppetiis sibi
Norimberga submissis suffultus Schwin-
furtum obsidebat; hoc enim oppidum in
Moeni ripa positum, validoque præsidio
munitum adhuc dum Albertus possidebat.
Rur-